

Inughuit Avanersuarmit nunasiaataasimaneq ullukkumut qanoq sunniuteqarsimava? Tamanna paasiniarlungu Qaanaaq, Ilulissat taavalu Nuuk Oktobari Novembarillu qaammataanni, 2021, tikeraarpakka.

Inughuit Nunasiaataanerit speciale-tut allaaserinikuuara tamatumuunali nammineerlunga timitalerlugu tikittussanngorpara. Paasisassarsiorninni Kalaallit apersortareernikuungaluarlungit pandemi peqqutaalluni tikissinnaanikuunngilakka. Silarluttarnera aporfiusaraluartoq, taamaakkaluartorli sapaatit akunneri pingasut Kalaallit Nunaanniippunga, tamaanimiut tusarnaariartorlugit. □□ Nuummiikkama paasitineqarpunga Qaanaarmiut inussiarnersut, tamannalu ilumoorluinnarpoq. Angalaninnimi inuit naapitakka qiimasuullutillu tukkortuupput, isummersorumatuut najoqqutalerluni oqaloqatigiinnermi, immaqaluunniit oqaloqatigiinginnarnermi. Atuarfik, mersortarfik, piniartut peqatigiiffiat, radio-qarfik taavalu angerlarsimaffiit pulaarpakka.

Ilisimatuutut allaatigisanni tunngavilersuutigakka inatsisilerinerup taavalu politik oqaluttuassartaani,

Avanersuarmit kitaamiunit 'pissuseqqaataatut' nunasiaatilinnik naqissuserneqartarsimaneq.

Paasilertorpara tamanna peqqusiullugu Inughuit politikikkut oqartussaaqataanerit peersinneqarsimasoq. Ullumikkumut tamanna suli atuuppoq, pissaaneq Kalaallit Qallunaallu oqartussaata paarimmassuk. Qularinngilara taama peersitaaqqanerup aningaasaqarnikkut kultur-eqarnikkullu Inughuit ajornartorsiutaannut sunneeqataanerit. Kisianni Avanersuarmit namminneq qanoq isumaqarnersut tusarusuppara. Aqqusaarsimasaminnik oqaluttuaasa paasisassarsiorninni ilisimalersimasakka uppernarsivaat, taamattaat Avanersuup oqaluttuassartaanut siunissaanulluttaaq nalituumik takussutissaalerlutik.

Siullertut erseqqissaatigivaat Inughuit nunat allamiunik iluanaarniapiluffigineqartarsimaneq. Najugallit erseqqissaatigivaat qanoq allamiunit siulitik pinerluffigitittarsimaneq, tukkortuunerit atornerlullugu iluanaarniutitut tilliffigitittarsimaneq. Assersuutingalugu Qaanaarmiut arlallit eqqaavaat Robert Peary, Inughuarniit 31-tons meteorit tillissinnarlungu American Museum of Natural History-mut tunisimammangu. Suli New York katersugaasivianiippoq. Aammattaq paasivara Knud Rasmussen Inughuit ikiortigalungit nunani allani ilisimaneqarlualersimammatt, Arnarulunnguaq ikiortigalungu. Thule-mi ilisimasassarsiornera Inughuiarnit

ikiorteqarsimangittuunguni piviusunngorsimanaviangilaq. Knud Rasmussen Avanersuarmut tunniussa qarluartutut oqaluttuarineqarpoq, uukapaatitseriarsinnaasutulli, immikkulli pisinnaatitaanini atornerlussinnaagaa naalagaanini erseqqissarniarlugu. Najugallip ataatsip oqaluttuuppaanga Knud Rasmussen unnia Inughuarmik toqutsisimasoq, angalaqatimi taqqaanik nerilluni naammattoortereernermi kingorna, tamanna Tunumi ilisimasassarsiornermi pisimavorooq. Inughuarnut ajoqersuiartortitat Knud Rasmussen aamma Peter Freuchen Inughuarnut ileqqutoqqat inerteqqutaalersippaat (ass. tivaneq). Oqaluttuunneqarpungalu, taanna peqqutaalluni ulloq manna tikillungu inoqatit akornanni tunuarsimaartoqartartoq ileqqutoqqat malinnissaannut. Naggasiullungulu, paasivara Akilinermiut Ellesmere aamma Devon Islands namminersortunngornerannut Inghuuaq Nukagpianguk ikiortigisimangaat. Nukagpianguk nunap sineriaa Akilinermiut politiit tiartaassutereermangit Siorapalummot niusimavaat atorfissaarukkamikku. Akilinermiulli nunap assiga atorlungu qeqertat namminersortunngortippaat imminnut atasilerlunikkut. Nukagpianguk aningaasanik akilerneqarpoq kisiannili Thule-mi niuertarfiuteqarfimmut nassiunneqarput. Nukagpianguk tingusaqanngilaq.

Aappaattut, ersarippoq iluanaarniapiluttarneq taavalu oqartussaaqataa-nermik tapunneqannginneq aqquingalungu Inughuarnut sunniuteqapilunneri ulloq manna tikillugu atuuttut. Paasisarsarsiornermi Qaanaarmioq oqaloqatigisara tunngavilersuivoq: “Inughuit sinnerlungit avataaniit suli aaliangiisoqartarpoq”. Allallu ilassutigivaa aaliagiisartut “paasisinnaanngilaatigut”. Kingunerisaanik Inughuiarnut kinaassusersiortumik aqutsineq ingerlanneqarluni. Assersuutigalungu, Inuktun, imaluunniit Qaanaarmiutut, oqartussaasunik namminermini oqaatsitut allaqqanngilaq kisiannili sumiorpaluutaatilluniku. Pisortatigoortumik oqaasilerinikkut atuagaqanngilaq allaaserisanillu peqarani. Ullumikkut UNESCO ‘assut aarlerinartorsior- tutut’ nalilerneqarnikuuvoq. Ilitsoqqussaralungu oqaaseqartut ilimagivaat kinguaariinni tulliuttuni atorunnaarneqassasoq.

Immikkoortitaaner- mi aamma Inughuit piniariaasaat eqqungaavoq. September aqqarngani US saassuseqarnerata kingorna Inughuit piniarfigisartangatoqqaminni Ellesmere Island (maanna Akilineq) piniarfigisinnaajunnaarnikuuaat. Tingusaassutiginngikkunikku paarnaarussaassutingeratarsinnaavaat. Killilersuinerit “eqqunngitsumik”, “ingasattajaarnermik” “annilaarnartumillu” eqqaaneqartarput. Pikialasorsuup nalaani piniarsinnaaneq piniartunut iluaqutissartaqaraluaqaaq, kisianni Avannaata borgmester-iata, Ilulissaniittumi, pingaaruteqanngittutut nalilerpaa. Taamaammat Inughuit piniartut

piniarfigisartangartik tikissinnaanngilaat. Pisoq tamanna pisinnaatitaaffiik qaangiineruvoq.¹ Pisassalersuisarneruttaaq piniartut piniarsinnaasut amerlassusaat innarlerpaa. Aaqqissuuseriaatsip nutaap Inughuit uumasut amerlassusaannut ilisimasaat ataatsimilluunniit atunngilaa. Najugallip allap paasitippaanga aaqqissueriaaseq tulluutinngingaarmat “piniartut qitornatik piniartutut inuuniuteqaqqunngikkaat” Qaanaami piniartut, Auggusti Novembarillu akornani isertitaqarsimanngillat, tikeraarnerma nalaani.

Aporfissaqaraluaqalutik, tikeraarneralu sivikikkaluaqisoq, ersarippoq periusissarsiullaqqissuusut. Assersuutingalugu, piniartuuneq oqittuinnaanngikkaluartoq inuusuttortaasa inuussutigisarpaat. Allat naapippakka Nuummi Qallunaat Nunaanniluunniit ilinniakkaminnik naammassisaqareernermi Qaanaami inuunertik ingerlattaraat. Meeqqat atuarfianni ilinniartitsisup paasitippaanga Inuktun sapinngisamik oqaaseqartarluni, oqaatsip piuaannarnissaa siunertaralungu. Aammattaaq paasitinneqarpunga Piniartut Aalisartullu Peqatigiiffiat piunasaqarsimasoq aalisarfinni aalisakkat naatsorsorneqaqqissasut aningaasaqarneq pitsanngorsarneqarniassammata. Radio-qarfiat nunaqarfiit Avanersuarmiittut angullugit aallakaatsitsisalissamaarpoq najungallit malinnaatinneqarniassammata. Piffissamilu qaninnermi Qaanaarmiut, Siorapalummiut, Qeqertarmiullu katillugit 23-at takornarissanut angallassisutut pikkorissarnertik naammassivaat. Tamakku takussutissaapput Inughuit periarfissarsiorlutillu anguniangaqartuusut.

Ullut sisamaannaat Qaanaamiippunga. Piffissap sivikeqisup ingerlanerani naapippakka inuit atornerlugaallutillu eqqunngittuliorfigitinnikut. Ullumikkut suli Avanersuami najungaqaarnissaq artornarpoq. Kisianni aporfeqaraluartoq, eqqaamavakka eqeersimaartut, tikikkuminartut, nalimmassallaqqissullu inuit naapitakka. Immikkuullarissumik kultur-eqarnertik tulluusimaautigivaat Qallunaamullu uannut ittumut oqaluttuarissallugu nuannaralunikku. Inughuit akisussaaffimmik kivitsinissaminnut oqartussaanerunissaminnullu piareersimasut.

—

1. United Declaration on the Rights of Indigenous Peoples 2007, article 26; ILO Convention 169 on Indigenous and Tribal Peoples 1989, Part II.

—

Nittartagarput takuuk

—

Nutserisoq: René Sivertsen